


CHINESE - JAPANESE LIBRARY OF
HARVARD - YENCHING INSTITUTE

HARVARD UNIVERSITY
OCT 31 1940

3035.25/412.7

3



五
是
上
卷
之
一

是
明
倫
義
亦
有
其
文

維
興
元
年
二
月
己
卯

皇
帝
之
德
如
天
之
大
也

皇
帝
之
德
如
天
之
大
也

皇
帝
之
德
如
天
之
大
也

皇
帝
之
德
如
天
之
大
也

皇
帝
之
德
如
天
之
大
也

九疑山志卷之一

哈佛大學漢和
圖書館珍藏印

明知寧遠縣事長洲蔣鎮重輯

皇明御製祭 舜陵文

維洪武四年歲次辛亥二月乙卯朔越日己未

皇帝御名謹遣翰林國史編修臣雷燧敢昭告於

皇舜之陵曰朕生後世為民於草野之間當有元失

馭天下紛紛乃乘群雄大亂之秋集衆用武荷

皇天后土眷佑遂平暴亂以有天下主宰庶民今已

四年矣君生前世作蒸民主大德無窮垂法至今

後人不忘者以其量同天地故也 朕典百神之
祀考君陵墓在此然相去三千餘年觀於 帝典
大哉 聖德非天者何雖竊慕於心柰稟性之愚
時有古今民俗亦異仰惟 聖謨萬世所法特遣
官奠祀修陵 聖靈不昧尚其鑒納焉尚 饗
謹按有虞氏盛德百世紀至我

聖祖龍飛之始篤念鼎湖之墟親攬

宸翰首虔薦馨

列聖欽承一遇登極芘芬有加

成祖文皇帝靖難繼大統則遣翰林編修楊溥致祭
其文曰仰惟 聖神繼天立極功被生民萬世永
賴予祗承 祖訓獲承大統式嚴禮事用祈佐我
國家永底昇平

宣宗章皇帝登極則遣翰林修撰曾鶴齡其文曰仰
惟 聖神繼天立極德被蒸民垂範無窮萬世永
賴予祗承天序式修明祀用祈佐我邦家

英宗睿皇帝則遣行人司行人雷復其文曰仰惟前
古 聖神繼作潤澤生民功在萬世予恭承大統

祇嚴祀事用祈鑒佑永祚我國家

景皇帝則遣尚寶司卿朱禮其文曰仰惟 聖神繼
天主極功被生民萬世永賴予嗣承大統祇嚴禮
事用祐我國家永底昇平

裕陵復辟則遣尚寶司卿凌信其文曰粵惟邃古
聖神挺生繼天出治爰立人極功德之隆延於永
世茲予復正大位祇嚴祀事恭祈靈貺佑我邦家
永臻熙皞

憲宗純皇帝則遣中書舍人解禎亮其文曰仰惟
聖神挺生自古繼天主極宣著人文功化之隆惠
利萬世茲予承天序式修明禋用祈鑒佑祚我邦
家

孝宗敬皇帝則遣翰林院編修于材其文曰仰惟
聖神繼天出治德邁千古功被蒸民予續承天序
爰正祀典恭祈昭格永奠我邦家

武宗毅皇帝則遣太僕寺少卿何益春其文曰仰惟
聖神挺生憲天主極功化之隆萬世永賴予承大
統式嚴明祀用祈鑒佑永祚我邦家

世宗肅皇帝則遣翰林院編修尹襄其文曰仰惟
聖神挺生前古繼天立極宣著人文功化之隆惠
利萬世茲予承天序式修明祀用祈鑒祐永祚我
邦國

穆宗莊皇帝則遣太常寺少卿王凝其文曰仰惟
聖神挺生前古繼天立極宣著人文功化之隆惠
利萬世茲予祇承天序式修明祀用祈鑒祐永祚
我邦國

今皇帝則遣吏科給事中張楚城其文曰仰惟 聖
神繼天立極德被黎元垂佑之隆萬世永賴予承
天庥命履震繼離式修明祀用祈欽格永佑邦家
嗚呼蒼梧龍統實惟楚望煌煌

宸藻並麗三光母曰窮荒山輝澤媚名嶽承恩如斯
能參鑽已未來是邦其明年春大禮既展爰稽山
乘拜手

琅函敬用弁諸首時萬曆庚申歲孟秋中元日臣鑽
頓首謹識

九疑山志卷之一

九疑山志卷之二

明知寧遠縣事長洲蔣鎮重輯

九疑

漢書作疑音疑

山在縣南六十里亦曰蒼梧山漢志

注九疑在營道南漢紀注應劭曰舜葬蒼梧九疑

山今在零陵營道文穎曰九疑山半在蒼梧半在

零陵如淳曰舜葬九疑在蒼梧馮乘縣或云舜葬

梧也顏師古曰文說是也

州志辯蒼梧禮記舜葬蒼梧之野或以為南越

地舜有十二州初未有越漢元鼎六年蒼梧始為郡考之蒼梧在楚者其地名在越者其郡名云

漢表陂漢之陽亘九疑為長沙或謂西漢郡為長

沙武帝元鼎六年改置為零陵郡按秦併天下置三十六郡已有零陵惟縣未置漢武帝元鼎六年

始置為泠道縣在蕭韶峯下舊城尚存州志漢先封定王發

於長沙元鼎六年長沙析為零陵定王子買受唐封原在國內元封五年侯於零陵泠道之春陵唐

太宗貞觀元年凡天下州縣有古帝王陵寢在者

皆加唐字縣以舜陵更名延唐宋太祖乾德二年

始遷今治曰寧遠郭璞曰其山九谿皆相似或云

九峯參差互相隱映望而疑之故名九峯曰朱明

曰石城曰石樓曰娥皇曰舜源曰女英曰蕭韶曰

桂林曰杞林彊遵嶽南雄控百粵萬谷渙會林木

蒙翳洞天宵曲亦明劃日月諸源迭出其下有曰

春水舜源水湍瀑成川溉澤原野實山川泄其不

息匯湘楚之奇觀者也洞谿深涉九渡咸濟前則

麓林石鑑鐘磬灶臼皆剗刊其象古傳帝舜之陵

在是寰宇記云峯之樵採有禁州志辨春陵因舜南巡崩於蒼梧之

野後聞九疑大阜之中有鐘自春竟之得韶樂遺器自春擊於陵阜故名郡為春陵又按長沙定王

孫戴侯仁以春陵地刑下濕上書求徙南陽元帝許之以南陽之蔡陽白水鄉徙仁為春陵侯望氣

者蘇伯阿望見春陵郭嘆曰氣佳哉鬱：恣：此言南陽之春陵縣也意當時遷泠道之春陵而就

蔡陽之春陵蓋欲不失故侯之名爾春陵劉侯城今在寧遠西鄉故址尚存

山

九疑山有九峯，下各出一水，四水南流，會于南海。五水北注，會於洞連。一云九水並注於洞連。

舜陵山在女英峯下，寰宇記曰：永陵漢司馬遷云：舜南巡狩崩于蒼梧之野，葬江南之九疑。秦始皇漢武帝皆望祀焉。唐詔州縣致祭，宋禁樵採，置守陵五戶。國朝洪武四年遣官致祭，列于祀典。山勢豐龐俊秀，虎踞龍盤，諸峯聳翠，羣麓出奇，真帝王之居，天造地設者。

萬歲山在九峯之外麓，林之南，地平可望舜陵。

州志作舜

峯北面有仙洞，晉宋間置觀于上，昔傳人過其下，聞山神呼萬歲者三也。又名存山。州縣志又有嶂山，即此。

羊權山在舜祠南，羊仙觀後有真人羅姓者，自稱夢綠華引青衣數十人至羊權家，授以修煉之術，後權得仙去。

麓林山在蕭韶峯東北。

縣志在舜廟前

宋乾道間有汪秦二

道人修煉于此其牀三級第一麓牀有石長一尺六寸人跡髣髴第二牀有二石鑑寒光清圓第三麓牀有巨石在側號迷石龜

北灌山在九疑洞深處女冠羅郁修煉于此迺羅真人女也

五指山在南淹口九疑道傍五山連拔聳翠如指南面舜陵又名五臣山縣志在舊迎賓館臺前淹口山在縣南三十里下有巖穴當淹水之衝

峯

舜峯即三峯名在舜祠西十里州縣志去舜祠四十里三峯鼎立其下衆山環合上有飛泉望之如練峯勢險絕人跡罕至按舜峯不列九峯之內乃為九峯朝宗特列于首

舜源峯在萬壽峯南二十里縣志在舜峯北二十里此峯最高亦曰華蓋乃中峯也

娥皇峯在舜源峯東南一里縣志在舜峯西六十里女英峯在舜源峯西南一里縣志在舜峯西五十里桂林峯在舜源峯東南七里縣志在舜峯北十五里

杞林峯在舜源峯西南五里縣志在舜峯西六十里
 石城峯在舜源峯東南十里縣志在舜峯北十五里
 石樓峯在舜源峯西南十二里縣志在舜峯北十五
 里州志在舜峯東三十里
 朱明峯在石城峯南十五里縣志在舜峯西十五里
 蕭韶峯在石樓峯南十里縣志在舜峯西十五里
 萬壽峯在舜源峯北二十里
 玉樓峯在萬壽峯西南八里
 集賢峯在萬壽峯南五里

朱陵峯

巖

紫霞巖

一名斜岩

在九疑山舜祠東南一里石磴層懸古

木修森紫霞丹霧翳鬱時合而空洞軒豁如蒼斯

俯故舊名紫霞洞唐道州刺史薛伯高改名斜巖

宋至道初太守張公觀改紫虛洞

世宗六年郡守南平黃公焯來遊更名重華三十二

年大橋兵變縣令何公駐兵于此謂重華乃帝號

名巖近襲復改紫霞而題刻于巖石巖有臺有堤

有塑像不知為何代所作神座後古有三千年字
刻今剝落詢諸父老相傳古為法門亦曰巫門乃
法主劉公啟教之所既而冶鐵封之因塑像鎮之
崖間龍首突出數尺髯角儼然如刻口中水滴
稍以鳴角鼓吹震之則淋漓如注頃刻足數百人
飲近為鄰境祈雨請水者槌截去迹頗存而水滴
仍舊云巖前有乳石端植如華表圍數丈高可十
丈文如刻畫下垂石田層疊相仍崖端多懸石如
垂手如奮髯不可名狀丹青碧綠間發引而望之

真洞天福地神工不能喻其巧也奇石困如支柱
如鏤玉周可數丈高與崖齊左右竇下約濶二丈
傾斜刻闐勢不可測投炬而入深可十數丈下平
如砥回視竇口如中宵片月洞左行百步清虛豁
達舊名無為洞宋治平中沈紳蔣之奇遊此仍取
元次山文正而刻諸石以志遊前為讀書堂有石
拔起如人狀左右序列中一座如師獨尊相傳昔
人遊此遙聞讀書聲故名又前有石如柱倒懸不
及地因名天柱蓋凝乳積成宋寇公準陶公定嘗

遊此刻題手澤尚新諸巖洞多題額而此為最墨
迹宛然遊者常以尺炬寸毫不能備錄為恨自茲
以往有清泉連漪舊有橋可渡今廢然泉甘而魚
肥地深而境黝雖有山水之癖者鮮能至似已非
人世矣有窮其際者見三竅通明如三光鼎耀遂
名三光洞亦曰三光巖右通為揚梅洞石田如墾
石盆如鑿水常滿而不溢過此曲折百變氤氳縹
緲不可名狀至風洞則有風如扇雲洞則有雲如
瀟雷洞則雷聲隱隱雨洞則微雨霏霏其極也

洞恍惚身世若浮相傳巖直通東粵之連州昔有
僧釣遊假寐其中一夕為神所攝擗置洞口覺已
卧連州江澣矣走歸程數日度其道里如許然亦
非身所跋履也

玉瑄巖在舊舜祠後即何侯石室也漢哀帝時零陵
郡文學奚瑄得玉瑄十二于此獻之朝因以名巖
當時以為舜巡狩至九疑十二州牧執之以覲者
按風俗通尚書大傳舜之時至西王母來獻白玉
瑄不知瑄所得何屬巖去舜峰十五里突兀軒豁

不與群山相附中可容數十座崖右有九疑山三
大字乃宋道州刺史方信孺所書俗名書字巖漢
蔡邕九疑山碑銘刻於此有天皇元年何侯記
畧述帝舜南巡之事實咸通中道士所撰其文誕
妄不經嘉靖改元編修尹襄來遊命鑿去之

觀音巖在永福寺齊雲閣之側甚深邃巖之水與無
為洞相通有二青鳥棲宿其間土人刻大士像因
名巖

高士巖在舜祠西二里舊名野猪巖丘順甫欽若易
以今名相傳昔有獵者遇群豕逐之入巖而沒掘
地得樂器一部無為觀道士獻之於朝見唐王維
賀表宋朱文公高弟劉子澄建書院其上講學今
遺跡猶存

月帔巖在由村梁武帝時有雙師自南嶽來止黃庭
觀宿白馬巖一日臨溪浴隱去留所衣月帔挂之
林間不壞巖中坐席宛然

白馬巖在永福寺前相距里許舊傳有白馬三娘修
煉巖中浚乘白馬飛昇巖中有石鍾乳下有石盆

水不盈升而取之不竭

斑竹巖在故舜祠南隩相傳舜葬九疑二妃追隨不及揮淚著竹成斑劉長卿詩云蒼梧在何處斑竹自成林

石樓巖一名飛龍巖在永福寺西一里州志作玉瑄巖西一里高峯直突由竇而登如層樓之狀炬而後登上有仙樓巖字刻淳祐丙午郡守李襲之州志作李揆江華李挺植題名于上後縣令何其賢改飛龍巖

川僧巖在永福寺左昔有蜀僧長夜居于其中後亦仙去

嶺

牙梳嶺在九疑深處山勢博大高可叅天相傳為九峯行龍之地登高眺之儼然如梳

水

瀑水源出舜源峯北流至縣之東西折而北與瀟沱二水合流

巢水源出石樓峯北注與瀑水合流縣南州志是名

子江

潯水源出蕭韶峯北注與瀑巢水合流

瀟水源出朱明峯一統志云瀟水源出九疑山南流

至三江口東北與沱水合一云與瀑巢潯合流又

東北至永州城外湘口會于湘因考湘水源出桂

林府興安縣海陽山自海陽下全州經永州至湘

口與瀟水合又下衡州與蒸水合趨長沙入洞庭

州志辨瀟水一在州西北二十五里瀟山下有泉名瀟川其鄉曰瀟川鄉遠宜江山從宜江口出與沱

水合其一小瀟水在小西門城外穿城入由瀟源坊遠玉城山前有石鰲魚逆水而生鬚鱗鬣鬣

然相傳水湧首尾皆動山下有石鰲相公二神居人共祀之近石魚為沙壅萬曆戊子守備彭顯謨

濬之未竟水復從玉城橋出與沱水合經瀟陽驛樓下其一出九疑朱明峯瀟水當以瀟川為主

沱水源出石城娥皇二峯南流至江華縣前又西過

道州至三江口與四水州志作瀟水合流

砭水源出女英峯由江華縣東南與沱水合流

泝水源出桂林峯州志南流至江華合沱水

洄水源出杞林峯州志即歸水東流經藍山縣界又

東北經桂陽州縣志泝洄二水舊不載所注何地

仙政水源出舜壇側與九峯不相涉

江

父母子三江俱出三峯石下

毋江經縣志作源出石城峯下州志出娥皇峯

子江經縣志作源出石樓峯下

溪

舜溪在舜壇之下通碧虛橋父江毋江子江合流之

處縣志吳江乃舜溪上游瀑巢二水合流之總名

池

舜池在舜壇之前仙政水之右坎有水不見其源

浸碧池在永福寺側

澗

青澗在九疑山一統志載王韶之神異記謂九疑山

中其路皆松竹下有青澗生黃色蓮花香氣盈谷

菖蒲澗在舜源峯下中多九節菖蒲取服之神氣清

爽昔傳遇一人高二丈通體毛長寸餘問所往曰

九疑有九節菖蒲當採服之語頃莫知所之

井

九井在玉瑄巖何侯宅畔相傳何侯煉丹于此汲一

九疑山志 卷二
井則八井皆動

湖

天湖在三級麓林之上其池水常自溢有禽大如鴈
錦羽尾長數尺常鳴其上湖東有洞左右二石人
如冠劍而立

洞

桃花洞去舜祠二十里在魯女觀前平夷稱沃壤天
桃四映今多墾為民田

魯川洞在舜溪上游兩岸舊有民居江深魚集後以

兵燹蕪廢

三盤洞去舜祠三十里今平地孫居之以耕種為業
碧虛洞水通碧虛橋南注舜溪其水有嘉魚又名嘉
魚洞元次山名之曰無為洞篆刻在焉洞隔永福
寺五里許有二徑一道舜峯一道紫虛洞去二十
里有石穴仰見天光有元次山題名天聖中僧雲
亮于洞前築堤為塘以灌田洞遂為池上有碧虛
亭原志池生白狹兒蓮上有李嶠篆刻一名碧虛
池

石

三峯石在楚粵交圻之所三峯並峙遠望凌霄石上有仙桃石有棋盤石有步履石有馬跡石相傳其間有塚以銅為碑額字不可識或疑為舜塚焉其下即廣西蒼梧縣界好奇者裹糧而行三日可至但山深杳絕亦多畏難而止

三牛石在嶂山南與舜峯相對望角足類牛上有雲氣路險難到

羅漢石在紫霞洞二渡水側一在山崖一在水澗若

相顧盼者

仙迹石在麓林山石長肖人履武縣志石長十有六尺仙人迹在其上州志又在縣南二十里

彭祖石在舜溪一石偃僕而坐石巖從相傳彭祖釣魚于此仙去後人立廟以祭彭祖壽可至百歲州志去舜祠四十里有池名彭祖內有石若釣磯舊傳彭祖至此縣志磯上有巨人迹

馬蹏石在紫霞巖西偏山阨石上有迹如馬蹏

驚管石在紫霞洞第七渡水有石管長二三尺者光

九疑山志 卷二
明瑩徹亦可擬玉縣志有水滴如乳擊動則巖前
如雨瀉

揚梅石亦出紫霞洞以火燭之則水中之石顆如
揚梅鮮瑩有色可愛縣志出洞口則白隨取不之
香爐石在舜峯之上石生如香爐有足有耳形質天
成

紅綠石在九渡懸崖間者紅綠間出如錯也

四壇石亦曰修真石四壇俱在麓林之上有茜草長
丈餘如虎鬚古人煉丹之地鐵臼鐺釜猶存二壇

有清池東流亦有鉄磬其文云齊永明十年四月
五日國主為一切舍識造鐵磬十二枚三壇有石
牀筌竹圍大者幾二尺四壇有石盆水出不竭

石鑑在二麓之頂寒光清圓可照

石磬在麓林之間

石龜在麓林山路傍又云迷術龜

石函在杞林峯昔周義生訪此啟函得李氏仙經讀
之仙去

石巖在紫霞洞第一渡水

九疑山志 卷二
石柱在重華岩中六渡有巨石如柱懸插支上竚下
勢若擎天其班剝之形與梵門轉藏相類

石象在紫霞洞之曲

石臼在煉丹觀後相傳何侯常搗藥于此臼有松穿
臼而生枝幹拳曲如伏龍之狀

石鍋在永福寺後一大石桶自然其水常滿二則溢
出

石秤錘在舜殿前路傍形與秤錘相肖

九疑山志卷之二

九疑山志卷之三

明知寧遠縣事長洲蔣鎮重輯

古蹟

舜鼎今在舜陵大可函牛百人可移置

韶歌昔舜帝南巡至九疑每樂奏九成則有鳳儀戲
舞之異一女子頗解音律效為韶歌極其柔婉近
傳韶歌自此始

太平樂相傳象受封有庠舜情不自己製小笛令人
依韶韻協奏以壯其行象悅

安期甕仙人鄭安期修道路中每行携甕自隨重六
百斤今在麓林山

天師刃

糜墨在重華巖中五渡

金蝦蟆在九井中亦常不見

水面瓊花在小渡水

天燈樹即舜祠前左右杉也共一十六株大數圍長

百丈常見有天燈照明其上蓋木之精明所現然

也

建置

舜祠在舜源峯下按舊志在大陽溪蓋三代時也今

遺址在白鶴觀前土人呼為大廟秦漢以來立祠

玉瑄巖前相傳為何侯故宅至唐湮廢刺史元結

奏立于郡城之西僖宗朝長沙胡曾權延唐令始

請于朝復立于玉瑄巖下有敕建舜廟碑今亦廢

宋建隆初刺史王繼勳奉詔重修知制誥張澹奉

敕撰碑亦湮沒不可考我

朝洪武四年

御製祭文遣翰林編修雷燧遷廟于舜源峯下即今
祀奠之所制以春秋仲月上甲縣令具牲帛致祭
于三年

朝命神樂觀道士充御香官到縣令長官奉祭遇改
元則

命翰林官或中書行人司官祭告焉

舜壇在由村去舜祠三十里近周由寺仙政之水遠
之通碧虛橋

無為觀在麓牀山舜祠之側王妙想辟穀飛仙之地

梁大清中王建炎兵火滅其迹紹興初戊辰道士
賀知常遷建今殿

魯女觀在何侯宅之西魯妙典修道于麓床山仙去
後人于飛昇處築觀奉之故名魯女晉武德後更
置

煉丹觀在舜祠北十五里蕭韶祀林之間舊傳乃何
侯煉丹之所崖石皆赤因投其渣餘于崖谷之間
今其他多產靈草土人有疾取以療之多驗

黃連觀近白馬巖未詳所建梁武帝時有雙師南來

九疑山志 卷三
三
修煉于此後成仙去

羊仙觀在羊權山下因權得度仙去後人即以其宅
立觀奉祀焉

九靈觀在嶂山下晉安帝時置永嘉間改淨輪隋開
皇初改九靈後圯宋初復置今廢

何侯宅在玉瑄巖舜祠左何侯得道拔宅飛昇不知
所之惟丹灶存焉後黃冠房日淡何仲涓居之亦
成仙去

永福寺在舜祠之右舊名無為寺又名報恩寺相傳
南齊敕建以衛舜祠有斷碑可識宋太平興國五
年易今名元豐間以為禪寺有木魚不敢擊
齊雲閣在永福寺後僧善義所建由徹堂凡三轉四
十二級以抵閣上

華嚴閣與齊雲閣相峙勢甚奇偉僧意超所建

徹堂在永福寺法堂之後僧意超所建見鄭舜卿記
御書樓在永福寺二閣之間紹興乙亥僧祖南所建
請於郡以歷朝所賜御書藏于其上故名御書

讀書堂在高士巖側監簿劉子澄聚徒講學其上今

廢

三十六臺唐時所築今存其四

彌陀臺在永福寺後有石方正一石肖彌陀因以名

臺

觀音臺在永福寺

蓮花臺在麓林之上石乳所結者花瓣宛然

桃花臺在桃花洞魯女觀前聳峻可以遠眺

迎賓臺在淹口五指山下其山高聳平正上有臺今

廢

碧虛亭在碧虛池上

仙梯亭在紫霞洞口石磴層々雲霞交映

大澤龍王祠在三峯石深處其水流自石崖注于深

澗草木蒙蔭勢甚險絕雖盛暑必重裘而後可入

武婁聖母廟在三盤洞內歲秋孫人祭賽擊土鼓吹

舍笙跳踏以祈神喜

放牛菴在三牛石下與舜峯相近

永福庄在永福寺邊即僧種田之室也

無為庄在無為觀後

九疑山志卷之三

九疑山志卷之四

明知寧遠縣事長洲蔣鑽重輯

人物

李郃舊志云延唐人居蓮塘太和元年郃與劉蕢同

應賢良方正擢進士第一見蕢不與選曰劉蕢下

第我輩登科能無厚顏因讓第與蕢時同榜者三

十四人蕭倣崔慎由崔鉉後並為相皆服郃讓德

北司中官忌之由河南叅軍出知賀州卒葬木塘

距今子孫所居二里許塚傍有西真觀內肖李共

元像有九疑詩五首

樂雷叢公明子少穎敏無書不讀長于詩賦一時名士如趙君汝愚姚君雪蓬鍾君仙窠皆以老友期之公自以世承科甲累舉不第烏之之歌車攻之賦稍見意焉後由特科出身繼罹憂患未克顯用有九疑象石銘一首詩二首孫斗之曾孫仲謙皆少年登第

遊寓

許由堯時人相傳避地居九疑由村源口後人慕之故村名由村水曰許由水

彭祖姓錢名鏗常遊九疑釣魚臺仙迹宛然可據臯陶唐虞士師從舜南巡有功德及民立祠享祀月給瑜漢尚書僕丞郎也常遊紫霞巖至第五渡遺大小糜墨二至今存

司馬遷前漢人其傳曰遷生龍門二十而南遊江淮沂沅湘遊九疑

奚環漢零陵郡文學嘗遊九疑至何侯石室得玉瑄十二獻於朝今名玉瑄巖

蔡邕後漢人嘗覽九疑山水之勝作九疑山銘宋淳祐丙午郡守李襲之刻于石在玉瑄巖

元結唐道州刺史遊九疑至碧虛洞有無為洞天之題宿無為觀有仙姥煉丹之詠登第二峯遊紫霞洞題墨尚存

李嶠唐舍人遊九疑有正元篆刻于石

薛伯高道州刺史遊九疑山名紫霞巖曰斜巖

劉子澄號玉淵宋先文公高弟慕九疑之奇建書院于高士巖聚徒講學

王維勳宋檢校太保行道州刺史事奉詔重修舜廟因覽九疑之勝

蕭映宋嘉祐中以職方員外郎出刺道州事躬修紀事至九疑

寇萊公初罷相為道州司馬游九疑題紫霞洞題具存

趙師俠宋宗室永郡牧淳熙丁未以職事行部與郡士孟恒中同遊九疑因繪九疑山圖賦詩序于上有祠祀

方信孺嘉定中刺道州遊九疑至玉瑄巖書九疑山
三大字於石方丈餘

陶公定宋乾道壬辰遊九疑題銘刻于石與汪秦二
道人為煮茗之會

李襲之潼川人淳祐四年知道州謁舜祠有碑記刻
蔡中郎九疑山銘

張觀宋零陵郡守遊九疑改斜巖曰紫虛洞
沈紳宋治平四年與蔣之奇遊九疑取元次山無為

洞天四字篆刻巖壁

蔣之奇字穎叔有題名刻石于紫霞洞中贈黃冠何

仲涓有詩

陳龍圖失其名遊九疑有綠華巖詩刻

馬大同宋嚴陵人提刑少卿淳熙癸卯嘗遊九疑遺
詩十二首以紀其勝

丘順甫欽若失其爵里改高士巖名

仙釋

何侯真元唐堯時人隱居九疑陰行善三子十孫皆
壽百歲至五母貞元尤敦家訓舜南巡止其家二

九疑山志
老降迹授仙藥一器舜封為何侯遂慕長生之術
鑿九井煉丹宅後七月七日以仙藥投酒中聚族
懽飲餘酒洒宅壁舉家三百口并雞犬拔宅上昇
高遠先生亦唐虞時人與何侯同里同何侯煉藥亦
得上昇
劉施言何侯僕也昇舉之日以牧豕未歸無所倚
呼號伏地侯於空中呼之授槐簡緇衣金鈴仙杖
以為巫祖後亦仙昇

韓偉遠九疑山真人也授業于嵩高宋德玄周宣王

時人

王妙想神仙錄曰蒼梧女道士也辟穀伏氣居黃庭
觀水之旁朝謁精誠想念丹府由是有光景神物
之異後乃仙去

魯妙典集仙錄云九疑山女冠也生穎慧高潔不食
暈脰謂母曰人之上壽不過百二十年哀樂日已
相半况女子乎有麓林道士授以大洞仙經入九
疑山巖栖屢有魔試正介不撓十餘年有仙語之
曰此山巖天地之總司九州之宗正也古有道之

士作三麓林可以棲庇風雨宅神念歲月既久旋皆朽敗今為製之可以遂性宴息也又十年授以靈藥仙去

惠歸九疑山仙女也九疑考古歸辟穀服氣於蕭韶峯下仙去

緹仙姑長沙人初入衡山修道年八十餘孑然無侶居旁南岳魏夫人仙壇忽一青鳥飛來自言南岳夫人使為姑伴客至必預言其姓名一日言今夜有暴客姑勿怖果有群僧持杖挺刃來姑在林僧不見而出俱為巾傷後隱九疑焉亦隨之道成仙去

白馬三娘九疑山人少得仙術嘗乘白馬往來巖洞之間多有顯迹後竟莫知所之

成武丁神仙傳云後漢桂陽人號成仙翁九疑考古曰武丁常乘白驪渡迷溪往來石樓峯下後仙去張正禮漢魏間人陶隱居真誥云正禮以漢末在山中餌黃精顏色如童後仙去

治明樓漢魏人魏末入山服澤瀉柏實與正禮

同

房日茨九疑羽士晉永嘉中居何侯石室修煉二十
年後仙舉舜源峯下

萼綠華晉穆帝昇平二年十一月十一日與隨行青
衣數人降羊權家贈詩一篇火浣布巾一幅金玉
繚脫各一枚謂權曰修道之士視錦繡如敝帚視
爵祿如過客視金玉如瓦礫無思無慮無事無為
行人所不能行學人所不能學勤人所不能勤得
人所不能得世人行慾嗜我行不獨世人得老死

於木槽扣槽群號為禮十月朔日各以聚落祭都
貝大王男女各成列連袂相携而舞謂之踏猿意
相得則男咿嗚競躍女群負所愛去遂為夫婦不
由父母樂有盧沙銃鼓胡盧笙竹笛之屬其合樂
時衆音競闕擊竹簫以為節團樂跳躍齊唱以相
之今有樂名長篴長三尺餘以梓木為之皮冒其
上下大小均擊之腰鼓大者如柱長者或逾尋亦
如長篴負以二人擊其一面山谷間稻田無幾天
在竹次仙不收無所得食則四出犯省地求斗升

如其俗

方二首
玩狎雖豐歲猶剽掠省民與猺人交
結者往為鄉導而分鹵獲猺既自識徑路遂數
數侵軼邊民踉蹌篁竹飄忽往來州縣覺知則已
遁去巢穴官軍不可入但分屯路口山多溪不可
以徧防故常為患此古今所傳俗性之大畧也余
登九疑猺洞長率男女羅謁具如鄧觀察記今其
俗有高山平地二種州志所載暨余所目擊皆高
山種也平地種耕織畜牧婚姻葬祭有禮浸同華
俗惟見官長仍衣文衣婦女辮髮貫二小竹赤足

時陸梁洪武中有杜回子永樂

嘉靖初黑和尚阻衆掠近境皮合勦之募土人
分戍太平諸營迄今百餘年惕息弭耳其耕我山
田者性最馴擾輒先居民征繕蓋

聖朝 文化焉

土產

楠木

沉香

斑竹

竹

苦竹

桃竹

筍竹

以

黃精

仙茅

切朮

紅朮

九節菖蒲

龍鳳香

虎鬚草

鍾乳粉

青皮香

石燕

蘭

油魚

堆魚

生紫霞岩九渡自

石鱉

相傳與

郡國志城皇峯下有舞池春日池旁百鳥台明人以此則路迷明石可得

九疑山志卷之四

